

**Aningaasarsianit akileraarutit pillugit Inatsisartut inatsisaata allannguutissaatut
Inatsisartut inatsisaat nr. 2, 17. maj 1990-imeersoq**

§ 1

Aningaasarsianit akileraarutit pillugit Inatsisartut inatsisaanni nr. 5-imi 19. maj 1979-imeersumi, kingullermik Inatsisartut inatsisaatigut nr. 10, 17. oktober 1988-imeersutigut allangortinneqarsimasumi makku allannguutigittinneqarput:

1. § 17-imi imm. 1-ip kingornagut immikkoortutut nutaatut ivertinneqassaaq:

"Imm. 2. Soraarnerussutisiatigut aaqqissuussinernut akilersuutinit, imm. 1, nr. 4-imi, oqaaseqatigiinni siullerni aappaannilu taaneqartunit, ilanngaatigineqarsinnaasut tassaapput piffissamut soraarnerussutisiatigut aaqqissuussinerup sivissusianut naapertuuttut, soorluttaa q ukiup aningaasarsiorfiup ilaani akilersuiffiusumi ilanngaatigineqarsinnaasut piffissami tassani akissarsiat tamarmiusut 15 procent-iannit annertunerussinnaangitsut."

2. § 21-imi imm. 2-p kingornagut immikkoortutut nutaatut ivertinneqassapput:

"Imm. 3. Akiitsoqarfiit akiligassat ilaannik isumakkeerinerisigut, akiligassat isumakkeerneqarnerisigut, akiligassat nungutinneqarnerisigut assigisaattulluunniit akiligassat isumakkeerneqartut tamarmik imm. 1 naapertorlugu amigartoorutinit ukiunut tulliuuttunut ingerlateqqinneqarsinnaasun.it ilanngaatigineqassapput, aningaasat isumakkeerneqartut akileraaruteqaataasussaangippata.

Imm. 4. Selskabit § 1, imm. 1, nr. 3-mi taaneqartut amigartoorutaat imm. 1 naapertorlugu ukiunut tulliuuttunut ingerlateqqinneqarsinnaangillat, piginnittut annertuumik allannguuteqarpata, piginneqatigiit ataasiakkaat aktietaat taasisinnaaneralluunniit annertuumik allannguuteqarpat, imaluunniit selskabip ingerlatsinera piffissamut amigartooruteqarfimmuut sanilliullugu annertuumik allannguuteqarpat.

Imm. 5. Naalakkersuisut imaluunniit naalakkersuisut tamatumunnga piginnaatitaat immikkut ittunik pissutissaqartillugu imm. 4-mi aalajangersakkamik tamakkiisumik ilaannakortumilluunniit immikkut akuersissuteqarsinnaapput.

Imm. 6. Ukiumi aningaasarsiorfimmu amigartoorutit imm. 1-imi taaneqartut ukiuni tallimani tulliuuttuni atorineqarsinnaangippata skatterådip akuersissutigisinnaavaa, tamatumunngalu immikkut piunasaqaatinik aalajangersaasinnaalluni, amigartoorutit atorineqangitsut taamaattut aningaasarsianit akileraaruteqaataasussanit ukiuni aningaasarsiorfinni tallimani siulianeersuni ilanngaatigineqarsinnaasut. Piffissap taassuma iluani ilanngaat taamaattoq taamaallaat ukiumut aningaasarsiorfimmuut siusinnerusumut nuunneqarsinnaavoq aningaasarsianut akileraaruteqaataasussanut ukiumi kingusinnerusumi atorineqarsinnaangippat. Oqaaseqatigiinni siullerni aappaannilu taaneqartut atuupputtaa q akileraartartup uppersarsarsinnaappagu amigartoorutit imm. 1-imi maleruagassat naapertorlugit atorineqarsinnaangitsut. Imm. 2-miit 5-imut piunasaasut atuupputtaa q amigartoorutit ukiunut aningaasarsiorfimmu siuliinut nuunneqartillugit. Annertunaarlugit akileraarutinit akiliutit

utertinneqarneranni ajunngitsorsiasaqartinneqassanngillat erniaqartinneqassanatillu, takukkit §§-it 63 aamma 65.

Imm. 7. Imm. 3-miit 6-imut aalajangersakkat atuupputaaq selskabinut il.il., § 1, imm. 1, nr. 4-miit 11-imut taaneqartunut."

3. § 82-imi imm. 5-ip kingornagut immikkoortutut nutaatut ivertinneqassaaq:

"Imm. 6. Ingerlatsiviit landskassemitt pigineqartut, aktie- imaluunniit anpartsselskabinngortinneqarsimasut aningaasarsiaannit akileraarutit, tamatumunnga ilaallutik iluanaarutisian.it akileraarutit, landskassemut nakkartassapput. Aningaasarsianit iluanaarutisianillu akileraarutinit erniat tapiutillu §§-ini 65-imi 68-imilu taaneqartut landskassemut nakkartarlutillu landskassemitt akilertineqartassapput."

4. § 97-imi, imm. 1, nr. 2-mi aamma 4-mi kiisalu imm. 2-mi ima allassimasoq "§ 17, nr. 4-imi" ima allanngortinneqassaaq:

"§ 17, imm. 1, nr. 4-mi".

5. § 114-imi imm. 5-ip kingornagut immikkoortutut nutaatut ivertinneqassapput:

"Imm. 6. Imm. 2-mi toqqarneqarsinnaanermut piumasaqaatit saniatigut kommissionip akileraarusiisartup aalajangissavaa, ilaasortap taassumalluunniit sinniisussaata malittarisassanik makkunangga unioqqutitsinini pissutigalugit piffissami qinigaaffimmi ilaasortaasinnaajunnaarsimanersoq:

1) nammineerluni nalunaarsuiffimmik piffissaagallartillugu nassiussisimanngitsoq, tamatumani ilaallutik ingerlatsinermit naatsorsuutit, takuuk § 54,

2) akileraarutinit B-nik akileraarutinullu akiligassaasinnaasunik piffissaagallartillugu akiliisimanngitsoq, takukkit § 44, imm. 3 aamma § 62, imm. 3,

3) akileraarutinit A-nik unerartitsisussaananermik sumiginnaasimasoq, nassuiaatinik sukumiisunik piffissaagallartillugu nassiussisimanngitsoq aammalu akileraarutinit A-nik unerartitanik piffissaagallartillugu akiliisimanngitsoq.

Imm. 7. Kommissionip akileraarusiisartup imm. 6 naapertorlugu aalajangiinera sap. akunneri sisamat qaangiutsinnagit skatterådimit ingerlateqqinneqarsinnaavoq, soorluttaaq skatterådip nammineerluni imm. 6 naapertorlugu toqqarneqarsinnaanermut suliasat aalajangiivigisinnaagai."

6. § 115-imi imm. 7-ip kingornagut immikkoortutut nutaatut ivertinneqassaaq:

"Imm. 8. Immikkoortoq 2-mi toqqarneqarsinnaanermut piumasaqaatit saniatigut skatterådip aalajangissavaa ilaasortaq malittarisassanik makkunangga unioqqutitsinini pissutigalugit piffissami qinigaaffimmi ilaasortaasinnaajunnaarsimanersoq:

1) nammineerluni nalunaarsuiffimmik piffissaagallartillugu nassiussisimanngitsoq, tamatumani ilaallutik ingerlatsinermit naatsorsuutit, takuuk § 54,

2) akileraarutinit B-nik akileraarutinullu akiligassaasinnaasunik piffissaagallartillugu akiliisimanngitsoq, takukkit § 44, imm. 3 aamma § 63, imm. 3,

3) akileraarutinit A-nik unerartitsisussaananermik sumiginnaasoq, nassuiaatinik sukumiisunik piffissaagallartillugu nassiussisimanngitsoq aammalu akileraarutinit A-nik unerartitanik piffissaagallartillugu akiliisimanngitsoq."

§ 2

Imm. 1. Inatsisartut inatsisaat atuutilissaaq 1. juni 1990-imiit.

Imm. 2. § 1-imi, nr. 1, 2 aamma 3-mi aalajangersakkat ukioq aningaasarsiorfiusoq 1990 aallarnerfigalugu atuutilerput.

Namminersornerullutik Oqartussat, 17. maj 1990.

Moses Olsen

/

Emil Abelsen